



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

J.U. ZAVOD ZA JAVNO ZDRAVSTVO
KANTONA SARAJEVO

Broj: 10-33-21648-8/21
Sarajevo, 03.06.2021. god

Broj: 04.14-3998 /21/ god.
Datum, 10.06. /21/ god.

JU ZAVOD ZA JAVNO ZDRAVSTVO KANTONA SARAJEVO

n/r: direktorice Aida Pilav-prof. dr. med. sci.
ul. Mustafe Pintola 1, 71000 Sarajevo

PREDMET: Zastupničko pitanje, dostavlja se

Zastupnica Amra Junuzović Kaljić je na nastavku 36. Radne sjednici Skupštine Kantona Sarajevo, održane dana 11.05.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, **uputila zastupničko pitanje:**

„koje se odnosi na održivost pedijatrijske zdravstvene zaštite i specijalizacije iz oblasti pedijatrije.“

U prilogu akta dostavljamo naprijed navedeno zastupničko pitanje, te Vas molimo da ovom ministarstvu dostavite vaše mišljenje kako bi se blagovremeno dostavio odgovor Skupštini i Vladi Kantona Sarajevo.

S poštovanjem,

DOSTAVLJENO:

1. Naslovu
2. a/a

MINISTAR
Prof. dr Haris Vranić




web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1



Amra Junuzović – Kaljić
Zastupnica NIP-a u Skupštini Kantona Sarajevo
Sarajevo: 05.05.2021. godine

Kanton Sarajevo
Vlada Kantona Sarajevo
Ministarstvo zdravstva Kantona Sarajevo
Skupština Kantona Sarajevo
n/r: Predsjedavajući Skupštine Kantona Sarajevo
n/r: Sekretar Skupštine Kantona Sarajevo

Predmet: Zastupničko pitanje o održivosti pedijatrijske zdravstvene zaštite i specijalizacijama iz oblasti pedijatrije

Poštovani,

U skladu sa članom 106. Poslovnika Skupštine Kantona Sarajevo („Službene novine Kantona Sarajevo“, broj 25/10, 14/11, 19/11, 7/12, 26/12), upućujem zastupničko pitanje prema Ministarstvu zdravstva Kantona Sarajevo u vezi održivosti pedijatrijske zdravstvene zaštite i specijalizacijama iz oblasti pedijatrije.

Obrazloženje:

U Dokumentu „Mišljenje o opravdanosti zahtjeva za specijalizacijama i subspecijalizacijama u javnom i privatnom sektoru u Kantonu Sarajevo za 2018. godine“, koje je dostavljeno Ministarstvu zdravstva Kantona Sarajevo (Dopis ZZJZ Kantona Sarajevo, broj 04.14-6616/18 od 04.10.2018), a na osnovu „Izveštaja o organizacionoj strukturi i kadrovima zaposlenim u zdravstvenim ustanovama (obrazac br. 3-00-60, stanje na dan 31.12. 2017.) u JU Dom zdravlja Kantona Sarajevo, u procesu rada je bilo 34 specijalista pedijatrije. Pandemijska 2020. godina i odlazak u redovnu penziju, su pedijatrijsku službu primarne zdravstvene zaštite, doveli na ukupno 29 pedijatara početkom 2021. god. Obzirom na starost pedijatrijskog kadra, do kraja 2022. u redovnu penziju odlazi još 13 pedijatara.

Za 2018. godinu, JUDZKS je dobio odobrenje resornog ministarstva za 14 specijalizacija iz pedijatrije, a dodijeljene su tri specijalizacije, dok za odobrene nisu bila obezbijeđena finansijska sredstva od strane ZZO KS.

Ove činjenice, u svakom slučaju, ne smiju biti zanemarene u projekciji broja potrebnoga specijalističkoga kadra za naredni period, obzirom da bi u 2023. godinu ušli sa ukupno 16 doktora medicine - specijalista pedijatrije u primarnoj zdravstvenoj zaštiti u Kantonu Sarajevo.

U ovo bi bilo potrebno uključiti i sve ostale faktore, uključujući posebno varijablu „izlaza radne snage“ i projiciranja u svjetlu mogućeg gubitka ljudskih resursa (migracije, promjene karijere, zdravstveni razlozi, prijevremeno penzionisanje, redovno penzionisanje itd.), što je moguće u narednom periodu.

S postovanjem,

Amra Junuzović-Kaljić
Zastupnica NIP – a u Skupštini Kantona Sarajevo



Broj: 04.14.3998-1/2021
Sarajevo, 18.06.2021. godine

KANTON SARAJEVO

21-06-2021

n/p: Prof. dr. Haris Vranić, Ministar
Ministarstvo zdravstva Kantona Sarajevo
Reisa Džemaludina Čauševića 1
71000 Sarajevo

PREDMET: Zastupničko pitanje odgovor – dostavlja se

Veza: Vaš akt broj: 10-33-21648-8/21 od 03.06.2021. godine

Poštovani,

J.U. Zavod za javno zdravstvo KS upućen je akt Naš broj: 04.14-3998/21 od 10.06.2021. godine sa zastupničkim pitanjem koje je na 36. Radnoj sjednici Skupštine Kantona Sarajevo, održanoj dana 11.05.2021. godine postavila zastupnica Amra Junuzović Kaljić. Pitanje je upućeno prema Ministarstvu zdravstva KS i proslijeđeno na odgovor J.U. Zavod za javno zdravstvo KS, a odnosi se na održivost pedijatrijske zdravstvene zaštite kao i pitanje specijalizacija iz oblasti pedijatrije.

Zastupnica Junuzović Kaljić svoje pitanje potkrijepila je podacima koji se odnose na dokument J.U. Zavod za javno zdravstvo KS „Mišljenje o opravdanosti zahtjeva za specijalizacijama i subspecijalizacijama u javnom i privatnom sektoru Kantonu Sarajevo za 2018. godinu“, koje je dostavljeno Ministarstvu zdravstva Kantona Sarajevo, a gdje je navedeno prema Izvještaju o organizacionoj strukturi i kadrovima zaposlenim u zdravstvenim ustanovama (obrazac br.3-00-60 stanje na dan 31.12. 2017) da je u JU Dom zdravlja KS bilo zaposleno 34 doktora medicine specijalista pedijatrije.

Zastupnica Junuzović Kaljić navodi da je od resornog Ministarstva odobreno 14 specijalizacija iz pedijatrije za 2018. godinu, a da su dodjeljenje samo tri specijalizacije, jer za ostale specijalizacije nisu bila obezbijeđena finansijska sredstva. Također u svom pitanju zastupnica Junuzović Kaljić predlaže da je neophodno raditi projekcije potrebnog specijalističkog kadra iz oblasti pedijatrije za naredni period jer bi se moglo desiti da zbog odlaska u penziju ili drugih razloga (migracije, promjene karijere, zdravstveni razlozi, prijevremeno penzionisanje) u dispanzerima za predškolsku djecu organizacionih jedinica JU Dom zdravlja KS u 2023. godini u radnom odnosu ostane samo 16 specijalista pedijatrije.

Prema Naredbi o izmjenama i dopunama Naredbe o standardima i normativima zdravstvene zaštite iz obaveznog zdravstvenog osiguranja (“Službene novine FBiH” br. 58/18) normativ kadra u primarnoj zdravstvenoj zaštiti za djelatnost pedijatrije je 1 radni tim na 900 djece u dobnoj skupini od 0-6 godina ili 1 tim na 12.000 osiguranika ukupne populacije. Prema prikazanom normativu kadra za Kanton Sarajevo za rad u primarnoj zaštiti potreban je 35,1 specijalista pedijatrije (izračun povoljnija varijanta 1 tim na 12.000 osiguranika ukupne populacije) u zdravstvenoj zaštiti djece od 0 do 6 godina. Prema istoj Naredbi u Centrima za imunizaciju za provođenje obaveznog programa imunizacije potreban je 1 radni tim na 120.000



Adresa: dr. Mustafe Pintola br.1, 71210 Ilidža
Tel/fax: 627-889; 624-470
web: <http://www.zzjzks.ba>
e-mail: gzavod@bih.net.ba





osiguranika. Za provođenje obaveznog programa imunizacije prema istoj Naredbi potrebno je još 3,5 doktora medicine specijalista pedijatrije koji će u timu osigurati provođenje obavezne imunizacije. To znači da je za osiguranje pružanja primarne zdravstvene zaštite djece u dobnoj skupini od 0 do 6 godina potrebno 39 doktora medicine specijalista pedijatrije za Kanton Sarajevo.

Prema izvještaju o organizacionoj strukturi, kadrovima i medicinskoj opremi u zdravstvenim ustanovama na dan 31.12.2020. godine (Obrazac br.1-Z-OKO) u primarnoj zdravstvenoj zaštiti radilo je 35 pedijatara od čega 11 ili (31,4%) u dobnoj skupini od 45 do 54 godine, 21 ili (60,0%) u dobnoj skupini 55 do 64 godine i 3 ili (8,6%) u dobnoj skupini 65 i više godina. Evidentno je značajno pomjeranje ka starijim dobnim skupinama, kao i nedostatan broj pedijatara u primarnoj zdravstvenoj zaštiti, te bi ovom pitanju trebalo planski pristupiti kako bi se u što skorijem vremenu osigurala sredstva za dostatan broj specijalizacija, ali i prijem novog kadra ili zadržali postojeći doktori medicine specijalisti pedijatrije koji su ostvarili uvjete za penziju ukoliko to žele.

Na osnovu informacijama sa kojima raspolažemo do sada od 2010. godine od stupanja na snagu Zakona o zdravstvenoj zaštiti FBiH („Službene novine Federacije BiH“ broj 46/10 i broj 75/13) nije donesen srednjoročni plan ljudskih resursa za zdravstveni sistem Federacije BiH, premda u pomenutom Zakonu u Članu 6. stoji „Na prijedlog Zavoda za javno zdravstvo Federacije Bosne i Hercegovine (u daljnjem tekstu: Federalni zavod za javno zdravstvo), federalni ministar donosi srednjoročni plan ljudskih resursa za zdravstveni sistem Federacije, uz prethodno pribavljeno mišljenje kantonalnih ministara“. Nedostatak ovog Plana u periodu od 10 godina nesumnjivo je imao utjecaj na adekvatno planiranje ljudskih resursa u cjelokupnom zdravstvenom sistemu u FBiH, pa i Kantonu Sarajevo.

J.U. Zavod za javno zdravstvo KS ne raspolaže sa podacima koji se odnose na broj doktora medicine specijalista pedijatrije koji su ispunili uslove za odlazak u mirovinu, ili planiraju otići u prijevremenu mirovinu zbog bolesti, kao niti podacima koji su vezani za migracije ili promjenu karijere, niti podacima koji se odnose na iskazane namjere za promjenu radnog mjesta ili odlazak iz zdravstvene ustanove. Takve podatke trebale bi posjedovati same zdravstvene ustanove kako bi na adekvatan način mogle upravljati razvojem ljudskih resursa.

S poštovanjem,

Izradila:

Prim. dr. Emira Tanović-Mikulec

DIREKTORICA

Prof.dr.med.sci. Aida Pilav



Adresa: dr. Mustafe Pintola br.1, 71210 Ilidža
Tel/fax: 627-889; 624-470
web: <http://www.zzjks.ba>
e-mail: gzavod@bih.net.ba

